

ZAPISNIK

sa 17. sjednice Upravnog odbora
Skijaškog/Smučarskog saveza Bosne i Hercegovine, održane 20.03.2018. godine u 18.00 sati
u prostorijama Ski saveza BiH u Sarajevu

Prisutni: Đelal Hasečić, Miro Đukić, Mario Laikert, Zdravko Lasica, Milovan Jevtović, Ismar Biogradlić, Kenan Jažić, Jasmin Mehić, Radenko Pekić, Vladimir Lučić i Muris Pozderac članovi Upravnog odbora, Jelena Dojčinović Generalni sekretar.

Đelal Hasečić je otvorio sjednicu i predložio dnevni red.

DNEVNI RED:

1. Usvajanje zapisnika sa 16. sjednice Upravnog odbora;
2. Realizacija zaključaka sa 16. sjednice Upravnog odbora;
3. Izvještaji dosadašnjeg takmičarskog perioda: alpsko skijanje, ski trčanje, biatlon, snowboard
4. Stanje računa – potrošnja
5. Otvoreno pismo gospodina Željko Šljivić i Nerminka i Eldar Emrić
6. Plan rada do 01.05.2017. godine
7. Stipendija OK BiH – Marko Rudic
8. Zahtjev – Smučarski savez RS
9. Tematske sjednice
10. Razno

Dnevni red je jednoglasno usvojen.

Ad. 1.

Zapisnik sa 16. sjednice je jednoglasno usvojen.

Ad.2.

Realizacija zaključaka sa 16. sjednice UO:

- Dojčinović je rekla da nisu zaključci realizovani kao što je finansijski izvještaj po sportovima iz razloga što je sva dokumentacija bila u računovodstvu zbog završnog računa. Dojčinović je naglasila da će finansijski izvještaj po sportovima naknadno biti urađen.
- Također nije realizovan zaključak po pitanju PR-a sa gospođom Emrić. Razlog je prekid komunikacije iste sa Dojčinović. Muris Pozderac je rekao da gospođa Emrić nije jedina i da ima još osoba koja poznaju ski sport i koja bi to mogla odraditi, kao što je npr. Jasna Udovičić. Također ne treba bježati ni od marketing kuća naglasio je Pozderac. Hasečić je naglasio da je potrebno da radimo bolju promociju. Pozderac je rekao da je i web stranica dosta loša. Dojčinović je objasnila da ona šalje materijale koji se stavljaju na web stranicu, ali zbog obima posla dosta teško to ide u sezoni. Dojčinović je naglasila da će se posvetiti web stranici nakon završetka sezone. Vlado Lučić je predložio da se sklopi ugovor sa agencijom, međutim Mehić je rekao da je to dosta skupo. Mehić je ponovo rekao da je najbolja opcija Emrić Nerminka jer se razumije u taj sport i njen angažman nije skup za Savez. Nakon duže rasprave zaključeno je da Dojčinović obavi razgovor sa marketing agencijom koju je predložio Ismar Biogradlić i proba se još jednom razgovarati sa gospođom Emrić.

Jednoglasno je usvojen zaključak da se razgovara sa marketing agencijom po prijedlogu Ismara Biogradlić, Zoranom Šuko na prijedlog Radenka Pekić.

- Popis imovine nije realizovan jer nije imenovana komisija. **Na prijedlog članova UO predloženi i jednoglasno usvojeni članovi Popisne komisije: Timur Bajramović, Bojan Minić i Vučić Vučetić.**

Ad. 3.

Izvještaji dosadašnjeg takmičarskog perioda

Dojčinović je kratko obavjestila članove UO da imamo izvještaje od Alpske komisije, Komisije za ski trčanje i Snowboard komisije dok od Biatlon komisije nemamo izvještaj.

Alpska komisija

Prvi za riječ se javio Đelal Hasečić kazavši da je očekivao malo detaljnije procjene. Muris Pozderac je rekao da ovo nije kvalitetan izvještaj za jednog profesionalnog trenera reprezentacije.

Zdravko Lasica je rekao da on ne želi da raspravlja o izvještaju sa svjetskog prvenstva koji je dostavio Rejmon Horo jer je sramotno raspravljati o ovakvim izvještajima. Kada je u pitanju Rejmon Horo on ne postoji u Savezu za Zdravka Lasicu.

Jasmin Mehić je rekao da je teško istaći dobre stvari jer je posljednji mjesec dana bilo dosta problema oko glasanja, odlazaka na svejsko prvenstvo, održavanje državnog prvenstva itd. Također je naglasio da je potrebno uvesti neke promjene o radu upravnog odbora i to na način da članovi upravnog odbora koji su isred alpskog sijanja odlučuju o alpskom skijanju a ne i o biatlonu jer svi ne poznajemo svaki sport tako dobro i onda dođe do raznih problema.

Radenko Pekić je rekao da je na prošloj sjednici određen Horo Rejmon kao trener za svjetsko prvenstvo. Također je rekao da se problemi ne rješavaju na vrijeme već se vuku duže vremena i na svakoj sjednici pokušavamo da riješimo jedan te isti problem.

Pekić je također pričao na temu mjerenje, o potrebnom broju ljudi, mjernoj garnituri. Smatra da se i treneri moraju obučiti da znaju kada uzmu trkau sa mjerenja kako se gleda itd.

Hasečić je rekao da to nije tačka dnevnog reda već naši ostvareni rezultati. Prije pola godine je predložio održavanje tematskih sjednica a još niko ništa nije uradio.

Nakon kraće rasprave svi su se složili da izvještaj Nedžada Mirojević treba vratiti na doradu. Lučić je rekao što se tiče izvještaja Rejmona Horo da je smještan i da ne treba da uđe ovakav kakav jeste u zvanični izvještaj. Također je rekao da je bio veliki rizik da Žana Novaković ide na svjetsko prvenstvo sa Rejmonom Horo s obzirom na dešavanja od prije. Naglasio je i da je izvještaj Nedžada Mirojević pozitivan a onda dobijamo tri dana pred sjednicu otvorena pisma. Smatra da trener koliko je odgovoran za rezultate odgovoran je i za atmosferu u timu.

Hasečić je na kraju rekao da su otvorene dobre teme i činjenica je da treba da se poslože stvari u reprezentaciji, da imamo trenerea i za mušku i žensku reprezentaciju. Isto tako ne možemo osporiti da je ovo najuspješnija sezona po rezultatima i da Upravni odbor nije tu samo da kritikuje već i da pohvali nečiji rad, rezultat.

Izvještaj Rejmona Horo nije usvojen, a Mario Laikert je ukratko obavjestio Upravni odbor kako je proteklo svjetsko prvenstvo, da nije bilo većih prolema, nije bilo povreda, rezultati su prema očekivanjima.

Snowboard komisija

Ismar Biogradlić je kratko obavjestio Upravni odbor o posljednjim održanim trkama na Kopaoniku gdje je Edis Ozturk ostvario dobre rezultate. Izvještaj je usvojen jednoglasno.

Komisija za ski trčanje

Kenan Jazić je rekao da predsjednik komisije Dragan Jeftović nije dostavio izvještaj s obzirom da sezona još traje i da reprezentacija treba da putuje na još jednu trku. Naglasio je da su svi popravili svoje bodove, posebno naglašavajući rezultate Mladena Plakalović koji ima i ostvarenu

olimpijsku normu. Održana su sva takmičenja osim jednog u BiH, iako kalendar za ovu sezonu nikad nije dostavljen. Bilo je propusta kod mjerenja konkretno na takmičenju u Vučijoj Luci, što je i stvar tehničkog delegata. Kada je u pitanju Državno prvenstvo potrebno je raditi i klasiku i skate. To se na državnom prvenstvu nije desilo, nije bilo klasike. Milovan Jevtović je obrazložio dešavanja povodom Državnog prvenstva i discipline klasike. Smatra da nije bilo problema sa brojem sudija, već da vremenski uslovi nisu bili idealni za održavanje ove discipline.

Jažić je rekao da entitetki savezi nisu dostavili rodne listove za takmičare, jer se dešava da jedan te isti takmičar svake godine ima manje godina a ne više.

Muris Pozderac je rekao da se neke stvari moraju presjeći, ukoliko se ne dostave potrebni dokumenti za registraciju takmičara onda ti takmičari neće biti registrovani.

Jelena Dojčinović je rekla da priprema jedan dokument u kojem su navedeni problemi rada saveza kao i prijedlozi za rješavanje istih koji će biti dostavljen vrlo brzo. Zamolila je Upravni odbor da se držimo dnevnog reda i da ne možemo sada rješavati svaki tehnički problem.

Jasmin Mehić je rekao da imamo previše razumjevanja jedni za druge i da moramo rješavati probleme, te da ne smije biti problem da ih javno iznesemo.

Izvještaj sa svjetskog prvenstva je jednoglasno usvojen.

Biatlon

Zdravko Lasica je rekao da komisija nije dostavila izvještaj jer je još u toku sezona a što se tiče rezultata smatra da su loši, a da ostaje da vidimo kakav će izvještaj dostaviti biatlon komisija.

Milovan Jevtović je rekao da su rezultati očekivani s obzirom da se mi biatlonom ne bavimo na domaćem terenu već se sve svodi na odlazak na takmičenja u inostranstvo.

Jažić je rekao da je osnovni problem što takmičari voze i biatlon i ski trčanje i da je teško očekivati da situacija bude drugačija.

Hasečić je rekao da je iz ovih razloga neophodna temastka sjednica po sportovima.

Ad. 4.

Jelena Dojčinović je kratko informisala upravni odbor o stanju računa sa današnjim danom. Potrošnja po sportovima će biti naknadno dostavljena s obzirom da su svi finansijski dokumenti u računovodstvu.

Ad.5.

Jelena Dojčinović je obavjestila Upravni odbor da pored otvorenih pisma gospodina Šljivić i Emrić u materijalu se nalaze i prijedlog odgovora na pismo Željka Šljivić, odgovor Dragiše Ćorović kao predsjednika Nadzornog odbora kao i izjave Nedžada Mirojević, trenera reprezentacije.

Jasmin Mehić je pitao kakve veze imaju bilo kakva dešavanja sa takmičenja sa Savezom. Njegovo mišljenje je da nepotrebno bilo dizanje tenzija sa nečim što nema nikkave veze sa Savezom.

Dojčinović je rekla da se ne slaže sa tim jer se vrlo loše priča o Bosni i trkama koje se organizuju kod nas, namještanju rezultata.

Jasmin Mehić smatra da ako mi smatramo da struka odnosno tehnički delegat nisu profesionalno odradili takmičenje onda je na nama da pišemo FIS i pokušamo riješiti probleme. Hasečić se također slaže sa Mehićem jer smatra da pored toga što smo dali saglasnost da se trka održi na teritoriju BiH nemamo ništa više. On ne bi ni raspravljao o pismu Emrić i Šljivić.

Muris Pozderac je rekao da se ovdje radi o prijavljivanju takmičara i da organizator nema pravo da određuje ko će voziti za BiH.

Jelena Dojčinović je rekla da u otvorenom pismu nije tema organizacija takmičenja već prijava naših takmičara. Zatim je Dojčinović kratko obrazložila slijed događanja povodom prijave.

Lučić je rekao da o ovim pismima ne treba raspravljati ali da sve treba uzeti u obzir prilikom sljedećeg odabira trenera.

Mario Laikert je rekao da su ovo pisma roditelja a ne takmičara koja nisu objektivna i ne treba kriviti trenera za ovo. Ove probleme su napravili isključivo roditelji.

Hasečić je rekao da je razgovarao i sa Šljivićem i sa Emrić kao i sa Mirojevićom. Sigurno je da ima nedostataka u Nećkovom radu ali isto tako su i roditelji dosta subjektivni, smatrajući da su njihova djeca najbolja. U ovom trenutku Nedžad Mirojević ima našu podršku sve dok je naš trener. Nema potrebe da se bavimo ovim pismima.

Radenko Pekić je rekao da mi moramo dobro razmisliti o davanju saglasnosti drugim državama ukoliko sumnjamo da će biti namještanja. To je problem svih nas i u budućnosti a ne samo problem jedne trke.

Dojčinović je rekla da ipak moramo nešto odgovoriti na otvorena pisma jer su pismeno poslana.

Zaključak je jednoglasno usvojen da se pošalje Šljivić i Emrić kratki odgovor i to: Upravni odbor je razmotrio i zaključio da postoje određeni problemi na relaciji takmičari i trener i da će se to u budućnosti pokušati razrješiti.

Ad. 6.

Dojčinović je pripremila koje su aktivnosti do 01.05.2017. godine.

Hasečić je kratko upoznao Upravni odbor da je potrebno realizovati sljedeće aktivnosti:

- Manifestacija proglašenja najboljih kao i dodjela priznanja najzaslužnijim ljudima z arzoj ski sporta u BiH
- Tematske sjednice
- Izvještajna Skupština

Svi su se jednoglasno složili da se navedene aktivnosti trebaju realizovati.

Muris Pozdearc je rekao da se mora raditi i po pitanju registracije Saveza. Dojčinović je kratko objasnila prisutnima da je obavila razgovor sa šeficom kabineta Denisa Zvizdić koje je obećala da će nam pomoći te da će zatražiti predmet na uvid a zatim se javiti sa informacijama o sljedećim koracima.

Hasečić je rekao da se podnese tužba a da ako se nešto u međuvremenu rješi tužba se može povući. Jasmin Mehić smatra da Dojčinović ne treba da se bavi time već to treba da preduzme neko od članova upravnog odbora. Hasečić je prihvatio prijedlog Jasmina Mehić i rekao da ima kolegu advokata i stupit će u kontakt sa njim.

Ad. 7.

Hasečić je rekao da Marko Rudić ne učestvuje na trkama i ne trenira ali da je naša dužnost da obavjestimo OK BiH o ovome. Mi nećemo oduzimati stipendiju Marku ali naša moralna obaveza je da to prijavimo.

Jasmin Mehić je rekao da je razgovarao sa OK BiH i naglasio da su naše obaveze da pratimo rad naših takmičara, pratimo pravdanje sredstava kao i predlažemo eventualne zamjene stipendista.

Dojčinović je rekla da je Marko Rudić uredno opravdao sredstva iako misli da nisu računi realni, jer nije učestvovao na trkama.

Hasečić je predložio da tražimo izjavu od Marka Rudić i eventualno ljekarski dokaz da je povrijeđen a zatim da obavjestimo OK BiH. **Jednoglasno je usvojeno da u roku 7 dana Marko Rudić dostavi dokaz o povredi i svoju izjavu.**

Ad.8.

Dojčinović je informisala prisutne da je Smučarski savez RS poslao zahtjev da se Alpska komisija vrati na 5 članova, odnosno da iz entiteta odakle dolazi Predsjednik uz njega ide još

jedan član a iz drugog entiteta 3 člana. Jasmin Mehić je rekao da trebamo da ostavimo sastav kakav jeste još jedan mjesec, a da onda vidimo uopšte način funkcionisanja komisije. Hasečić se složio sa Mehićem. Lučić je rekao da se ne može sve prolongirati i da treba odrediti neki rok da entitetski savez, tj. Ski savez Federacije BiH donese odluku o razrješenju jednog člana komisije. Ismar Biogradlić je pročitao iz pravilnika o radu komisija da upravni odbor odlučuje o broju članova komisije.

Radenko Pekić je rekao da je Upravni odbor na svojoj prvoj održanoj sjednici 2014. godine prihvatio obrazloženje da je Ski savez FBiH u problemu i da ne mogu sazvati Skupštinu te da se ostavi broj od 6 članova komisije. Sada Pekić traži da se vrati na pet članova jer neće doći do nerješениh rezultata glasanja i to u roku od mjesec dana.

Jednoglasno je zaključeno da se pošalje Ski savezu Federacije BiH zahtjev da razrješe dužnosti jednog člana Alpske komisije kako bi sastav komisije ponovo se vratio u okvire od 5 članova.

Ad. 9.

Hasečić je rekao da smo već dosta pričali na ovu temu i da treba da vidimo možemo li postaviti neke određene rokove za održavanje iste.

Jasmin Mehić kao koordinator Alpske komisije je rekao da je bitno da imamo 5 ili 3 člana radne grupe iz oba entiteta i ko zaista poznaje situaciju u alpskom skijanju. Pekić je rekao da radna grupa treba da bude puni sastav alpske komisije.

Rok je najkasnije do kraja Maja za sve tematske sjednice odnosno za sve sportove.

Ad. 10.

Pod tačkom razno:

- Dojčinović je pregledala račune kojima se pravdaju stipendije i primjetila je da pojedini stipendisti zadržavaju pune iznose za sebe. Npr. Računi iz hotela su u istom periodu kada su iste osobe na račun Saveza boravile u inostranstvu te isti nisu bili umanjeni. Konkretno to su sljedeći takmičari: Tanja Karišik, Sanja Kusmuk, Mladen Plakalović i Marko Rudić. Dojčinović smatra da nije u redu da raspravljamo o prekoračenju budžeta za pojedine sportove a da takmičari nisu bili u stanju potrošiti niti jednu marku za čokoladu.

Nakon kraće rasprave zaključeno je sa 10 glasova za i jednim protiv da se pošalje opomena stipendistima da ukoliko se ovo ponovi Savez će biti primoran da donese odluku o sankcijama.

- Zahtjev SK Pale za nadoknadu od 1.400 EUR za novčane nagrade. Hasečić je rekao da se odluke ne mogu primjenivati retroaktivno. Bit će uvršteni za narednu sezonu. Jednoglasno je usvojeno da se zahtjev odbija.
- Način donošenja odluka za odlazak na EYOF, SP, SJP po prijedlogu Jasmina Mehić. Prvi za riječ se javio Vlado Lučić oko problema sa odlaskom na EYOF 2019. Postavio je pitanje Đelalu Hasečić zašto i kako je on mogao donijeti odluku sam o odlasku na EYOF 2019. Hasečić je rekao da je odluka donešena na osnovu bodova, a da za Maju Tadić nije niko platio i da tu nema ništa sporno.

Nakon duže rasprave u kojoj su učestvovali Vlado Lučić, Đelal Hasečić, Muris Pozderac, Radenko Pekić i Jasmin Mehić te objašnjenja donošenja odluke odnosno argumentovanog izlaganja da je Maja Tadić bolji takmičar od Sare Šišić i ako u tom trenutku FIS bodovi to nisu pokazivali Đelal Hasečić je pročitao zapisnik sa sjednice upravnog odbora na kojoj je bilo priče o ovoj temi. Đelal Hasečić nije donio sam odluku već je samo presjekao stanje s obzirom da Upravni odbor nije mogao da se usaglasi. Morala se donijeti odluka s obzirom da je neko morao otići na EYOF. Zdravko Lasica je

rekao da su sve odluke pogrešne jer je na EYOF trebala da ide Elvedina Muzaferija koja je mogla doći do medalje i Maja Tadić koja je mogla biti u prvih 10.

Jasmin Mehić je rekao da smo imali pogrešne odluke za tri važna takmičenja jer je Elvedina trebala otići na EYOF, Žana Novaković nije trebala otići na Svjetsko prvenstvo jer ne takmiči, te Svjetsko Juniorsko prvenstvo kada smo došli u situaciju da takmičari ne žele da ide na to takmičenje. **Svi su se složili da su to bile greške Upravnog odbora, da je potrebno biti svjestan svojih grešaka kako se ne bi ponovile.**

Lučić Vlado je također rekao da mu je zasmatalo zašto je prepisku Upravnog odbor neko poslao Senadu Šišiću te od tada on više neće glasasti putem e-maila.

- SES Sastanak, Dublin 28.-30.04.2017. godine. **Jednoglasno usvojeno da na SES sastanak ode Jelena Dojčinović.**
- FIS konferencija, Portorož, 24.-27.05.2017. godine. Senahid Godinjak direktor EYOF-a je predložio da u Portorož idu i Ismar Biogradlić i Jasmin Mehić ispred EYOFa ali da ih treba prijaviti Savez. **Jednoglasno je usvojeno da u Portorož ide Jelena Dojčinović ispred Saveza i Mehić i Biogradlić ispred EYOF-a.**
- Esma Behrić, registracija takmičara. Jednoglasno usvojeno da se pošalje odgovor da postoji Pravilnik o registracijama i da Savez može raditi samo i isključivo prema istom.
- Zahtjev Nihada Muzaferija da mu se nadoknade neki troškovi za odlazak na Svjetsko Juniorsko prvenstvo, da mu se odobre sredstva za Družvno prvenstvo u Sloveniji u brzim disciplinama te da li će se oformiti Ženska reprezentacija.

Đelal Hasečić je rekao da svakako trebamo da imamo ženski tim i da je potrebno da isto tako raspisemo konkurs za trenera ženskog tima. Iz tog razloga predlaže da se počnu pripreme za raspisivanje konkursa za trenera. Jednoglasno je usvojeno da Dojčinović pripremi odluku za raspisivanje konkursa z atrenera (određene kriterije).

Što se tiče finansijskih troškova Hasečić je predložio da se Nihadu Muzaferija nadoknade troškovi za privatno auto po odluci korištenja privatnih vozila za reprezentativne svrhe. **Jednoglasno je odlučeno da se nadoknade troškovi 50 KM za auto Nihadu Muzaferija.**

- Regularnost registracije takmičarke Anastasije Vojnović. Zahtjev Milovana Jevtović da se Anastasiji oduzmu svi bodovi ostvareni u BiH. Dojčinović je rekla da je prije roka za registraciju Ski savezu BiH dostavljen dokument u kojem se navodi da Anastasija nije član kluba u Srbiji.

Hasečić predložio da se ostavi za narednu sjednicu ovaj zahtjev.

- Također je Milovan Jevtović tražio da Savez isplati dnevnice za EYOF. **S obzirom da ovaj zahtjev nije došao prije odlaska na EYOF ovaj zahtjev je odbijen.**

Sjednica je završena u 21.00 sati.

Originalni materijali sa sjednice Upravnog odbora Ski saveza BiH prilažu se primjerku Zapisnika koji se odlaže u arhivu Ski saveza BiH.

Sarajevo,
20.03.2017.

Zapisnik vodila
Jelena Dojčinović

Predsjednik
Đelal Hasečić